



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche  
Haus-Angelegenheiten

**Riedel, Adolph Friedrich**

**Berlin, 1861**

82. Die Kurfürstin Katharina schreibt ihrem Schwager Albrecht über die  
Verheirathung ihrer Tochter, am 9. August 1473.

---

---

**Nutzungsbedingungen**

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

gen vnde vorstoruen sein, so schall solich gelt mit sampt andern vnsem liffigedinge wedir an sein liue, sein eruen vnde nakomen komen gefallen ane ydermans vorhinderung, Indrege vnde generde, Vnde dorup scholen wy aller Saken mit finer liue gescheiden vnde geeynet sin. Tu Vrkunde mit vnserem anhangenden Insigil versigelt vnde Geuen to Coln an der Sprew, ame Sundage vor Cathedra petri, Na godes gebort dufent vierhundert, darna jn deme dreyn vnde Souentigstigen Jaren.

Nach dem Originale des Königl. Hausarchives.

82. Die Kurfürstin Katharina schreibt ihrem Schwager Albrecht über die Verheirathung ihrer Tochter, am 9. August 1473.

Was wir jn gantzen truwen Liebs vnd guts vermogen allzeyt zuuor. Hochgeborner furste, lieber herr vnd bruder. Das ewr liebe frisch vnd gesant ist, als wir vernohmen haben, horen wir fast gerne, vnd das die hinfur zu langen zeiten In gesunther wolfart enthalten wurde, were vns, als billich ist, ein grosse freude. Vnd als vns ewer lieb am Jungsten dinst vnd gute fruntschafft zu entbotten hat, das haben wir von ewr liebe zu grossem danck vnd ergetzlikeit entphangen. Sunder das sich die sachen vnser Tochter halben In die lenge verziehen vnd nicht fur sich gehen, das gehet vns nahent zu hertzen vnd bekummern vns swerlichen darumb vnd nachdem wir denn hie elend sein vnd bey nymands, denn allein bey ewr lieb zuflucht, hilff vnd rath wissen zu suchen, Bitten wir ewer liebe vff das gutlichst wir können, Ir wollet vnser elend vnd betrubnuß ansehen vnd uch vnser Tochter befolhen lassen sein, sie Im besten bedencken, das sie versorget werde. Das wollen wir vmb ewr liebe gegen got verbitten vnd sunst allezeit mit fleis fruntlich gern verdinen vnd bitten des ewer liebe gutliche antwort. Datum Coln an der Sprew, am Montag vor laurencii, Anno etc. LXXIII<sup>o</sup>.

Katherina, von gots genaden geborn von Sachsen, wittibe,

Marggrefin zu Brandenburg, zu Stettin, Pomern etc.

Herzogin vnd Burggrefin zu Nuremberg etc.

Dem hochgebornn Fursten, vnserm lieben herren vnd Bruder, heren Albrechten, Marggrauen zu Brandenburg, des heiligen Romischen Richs Ertzkamrer vnd kurfursten, zu Stettin, Pomern, der Cassuben vnd Wenden Herzogen, Burggrauen zu Nuremberg vnd fursten zu Rugen.

Nach dem Originale des Königl. Hausarchives.